



ՀԱՍՏԱՏՈՒՄ ԵՄ՝

Շրջակա միջավայրի նախարար
Հակոբ Սիմիոյան



« 30 » 11 2023թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ № 0214-23

Ձեռնարկողը՝

«ՍԱՆՆ ՄԵՏ» ՓԲԸ

Կոտայքի մարզ, Հրազդան, Դուրյան փողոց, 12 շենք, բն. 22

Գործունեությունը՝

Արթիկի «ՍՏԵՎԼՈՄԱՇ» գործարանի ձուլման
արտադրամասի վերազինման՝ պողպատե ձուլակտորների
արտադրության շրջակա միջավայրի վրա ազդեցության
գնահատման հաշվետվություն

Շիրակի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի տնօրեն՝



Խաչիկ Մարտիրոսյան

Առդիր՝ եզրակացությունը 7 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № **0214-23**
«30» հոկտեմբեր 2023թ.

**Արթիկի «ՍՏԵՎԼՈՄԱՇ» գործարանի ծուլման արտադրամասի վերազինման՝
պողպատե ծուլակտորների արտադրության շրջակա միջավայրի վրա
ազդեցության գնահատման հաշվետվություն**

Ձեռնարկող՝
Փաստաթղթի տեսակը՝

«ՍԱՆՆ ՄԵՏ» ՓԲԸ
Շրջակա միջավայրի վրա ազդեցության
գնահատման հաշվետվություն /ՇՄԱԳ/,
Նախագծային փաստաթուղթ
Շիրակի մարզ, Արթիկ համայնք

Տեղադրման վայրը՝

Ներածական մաս. ՍԱՆՆ ՄԵՏ» ՓԲԸ-ի /այսուհետ՝ Ընկերություն/ կողմից նախատեսվող Արթիկի «ՍՏԵՎԼՈՄԱՇ» գործարանի ծուլման արտադրամասի վերազինման՝ պողպատե ծուլակտորների արտադրության կազմակերպումն իրականացվելու է Շիրակի մարզի Արթիկ քաղաքի Գործարանային թիվ 2 հասցեում՝ որտեղ նախկինում արտադրվել է ապակե տարաների պողպատե կաղապարներ:

Համաձայն «Շրջակա միջավայրի վրա ազդեցության գնահատման և փորձաքննության մասին» օրենքի 14-րդ հոդվածի, 5-րդ մասի, 5)-րդ կետի դ) ենթակետի, պողպատե ծուլակտորների արտադրության կազմակերպումը՝ որպես նախատեսվող գործունեություն դասակարգվում է «Ա» կատեգորիայի գործունեության տեսակների ցանկում:

Նկարագրական մաս. Գործարանի տարածքը, որտեղ կազմակերպվելու է Ընկերության կողմից նախատեսվող արտադրությունը, գտնվում է Արթիկ խոշորացված համայնքի Արթիկ բնակավայրի արդյունաբերական գոտում: Տարածքն ամբողջովին օգտագործվել է արտադրական նպատակով, որտեղ հողային ծածկույթը բացակայում է, գործարանի պարսպի երկայնքով կանաչապատված է բարդիների ծառաշերտով: Գործարանին հարակից տարածքներում գործում են այլ արտադրական կազմակերպություններ, սպասարկման օբյեկտներ և պահեստային տարածքներ: Տարածքից 590 մ հեռավորության վրա անցնում է Արթիկ-Գյումրի մայրուղին, իսկ 500 մ հեռավորության վրա՝ Արթիկ-Գյումրի երկաթուղային գիծը: Արտադրամասը, որտեղ իրականացվելու է գործունեությունը, մոտակա բնակելի թաղամասից գտնվում են 510 մ-ից մինչև 640 մ հեռավորությունների վրա: Անմիջապես արտանետման աղբյուրից մոտակա բնակելի շենքը գտնվում է 575 մ հեռավորության վրա: Անմիջապես ներկայացվող տարածքում օդային ավազանի և հողերի աղտոտվածությունը որոշելու համար Ընկերության կողմից պասիվ նմուշառիչներով կատարվել է նմուշառումներ /հողի նմուշառումը՝ գործարանի տարածքի չորս կետից/, որոնք ՀՀ շրջակա միջավայրի նախարարության «Հիդրոօդերևութաբանության և մոնիթորինգի կենտրոն» ՊՈԱԿ լաբորատորիայում լաբորատոր անալիզին ենթարկվել, որոնց արդյունքները բերված են ՇՄԱԳ հաշվետվության հավելվածներում:

Գործարանային փողոց թիվ 2 հասցեում առկա շենք շինությունները, հողամասը գույքն ու սարքավորումները պատկանում են «ՍՏԵՎԼՈՄԱՇ» ԲԲԸ-ին: Գործարանում երկար տարիներ իրականացվել է պողպատի ծուլում, այսուհետև ընդհատվել է արտադրական գործունեությունը, ներկայումս Ընկերության կողմից նախատեսվում է



կրկին վերագործարկել արտադրությունը: Գործարանի հողամասում առկա են 35.04295 քմ մակերեսով շինություններ, «ՍԱՆՆ ՄԵՏ» ՓԲԸ-ի կողմից արտադրությունը կազմակերպելու համար օգտագործվելու է 4711.63 քմ մակերեսով արտադրական շինությունը: Պայմանագրային հիմունքներով օգտագործելով գործարանի շենք-շինությունները, հողամասը, գույքն ու սարքավորումներն Ընկերությունն իրականացնելու է լրացուցիչ ներդրումներ՝ մետաղի ձուլման արտադրության տեխնոլոգիական գործընթացների արդիականացման և վերազինման ուղղությամբ: Արտադրական տարածքում առկա են բոլոր ինժեներական ենթակառուցվածքները /գազամատակարարում, էլեկտրամատակարարում, ջրամատակարարում և կոյուղի/, որոք անհրաժեշտ են գործունեությունը կազմակերպելու համար: Հիմնական մասնաշենքը, որտեղ տեղադրված են և նախկինում շահագործվել են գազային և էլեկտրական վառարաններ, կահավորված է գազերի զտման համակարգով, օդափոխության համակարգով: Գործարանում տեղադրված հալման կաղապարման հանգույցներով 2 վառարանների տարեկան արտադրական հզորությունը կազմել է 25000 տոննա պողպատյա ձուլակտորներ: Արտադրական հանգույցի վերազինման և մետաղի հալման համար Ընկերությունը նախատեսվում է տեղադրել երկու մագնիսական ինդուկցիոն վառարաններ, որոնք կապահովեն ժամում 3 տոննա, կամ տարեկան 15.000 տոննա արտադրողականությամբ պողպատե ձուլակտորների արտադրություն: Ձուլակտորները կունենան ուղղանկյուն կտրվածք, իսկ երկարությունը կարող է կազմել 1 – 3 մ կամ ավելին՝ ըստ պատվերի: Արտադրության կազմակերպման համար Ընկերությունը արտերկրից ներմուծելու է նոր ժամանակակից ձուլման և գլանման սարքավորումներ: Վերազինման աշխատանքների արդյունքում տեղադրվելու են նաև նոր կառավարման համակարգեր, գազամաքրման սարքավորումներ, մասնակի կփոխարինվեն խողովակները, փականները:

Նախատեսվող գործունեության իրականացման համար հումք կհանդիսանա սև մետաղների /պողպատի/ ջարդոնը, որը ընկերությունը կարող է ձեռք բերել տարբեր կազմակերպություններից և թափոնավայրերից: Հումքի ընտրությունը կատարվելու է այնպես, որ բացառվի այլ մետաղների, մասնավորապես՝ թուջի պարունակությունը:

Հումքը ավտոտրանսպորտային միջոցներով կտեղափոխվի Արթիկի «ՍԵԿԼՈՄԱՇ» գործարանի տարածք և կպահեստավորվի գործարանի տարածքում գոյություն ունեցող պահեստային մասում: Մետաղը սալակներով կտեղափոխվի ձուլման տեղամաս, որտեղ նախատեսված է տեղադրել 2 հատ ինդուկցիոն վառարաններ, այնուհետև ձուլման ենթակա մետաղը կբեռնվի վառարանի հնոց: Վառարանի հնոցում ջերմաստիճանը պահպանվում է 1670°C մակարդակի վրա: Հալվածքը վառարանից հոսում է դեպի հալվածքի տեղափոխման վաք (շերտի), որը նախապես տաքացվում է մինչև 1200°C այնուհետև լցվում ձուլման սարքի մեջ: Ձուլման սարքի ելքն ունի որոշակի ձև, որն ապահովում/ձևավորվում է ձուլվածքի տեսքը: Ինդուկցիոն վառարանները կահավորված են կառավարման վահանակով, ինչը թույլ է տալիս վերահսկել վառարանի հալվածքի ջերմաստիճանը: Ելնելով տվյալից ցուցիչից կարգավորվում են նաև հումքի լրացման կամ հալվածքի դուրս բերման գործընթացները:

Հալվածքի կտրվածքը և երկարությունը կարգաբերվում են ըստ պատվիրատուի առաջադրանքի: Տեղամասի պլանային արտադրողականությունը նախատեսված է 15 000 տ/տարի: Ձուլակտորները շարժվելով հովացնող վաքով՝ տեղափոխվում են պահեստ: Մետաղի որակը վերահսկելու համար վառարանից վերցվում է նմուշ և ստուգվում լաբորատորիայում: Նախատեսվում է ապահովել ՌԴ ԳՈՍՏ-երին համապատասխան մետաղի որակ:

Տեխնոլոգիական գործընթացը կառավարվելու է ավտոմատ հսկիչ և կարգավորիչ սարքերի միջոցով: Սարքերը հսկելու են հնոցի ջերմաստիճանը և անհրաժեշտության



դեպքում կարգաբերում են օդային հոսքը կամ հոսանքի ծախսը: Արտադրական գործընթացում կօգտագործվի նաև բնական գազ՝ վառարանների ջերմային ռեժիմն ապահովելու համար:

Պողպատաձուլման գործընթացում օգտագործվելու են խարամագոյացման նյութեր՝ կիր և շպատ: Բնառեսուրսներից օգտագործվելու է ջուր՝ տեխնիկական ինչպես նաև անձնակազմի խմելու կենցաղային կարիքների համար: Տեխնիկական նպատակներով ջուրը նախատեսված է միայն շրջանառու հովացման համակարգի կորուստների լրացման համար: Արտադրական գործընթացում արտադրական հոսքաջրեր չեն առաջանա:

Գործարանը միացված է համայնքային ջրամատակարարման ցանցին: Ըստ անհրաժեշտության կվերանայվեն արտադրական նպատակով ջրօգտագործման քանակները և «Վեոլիա ջուր» ՓԲ ընկերության հետ ջրօգտագործման և ջրահեռացման պայմանագիրը կթարմացվի: ՇՄԱԳ-ում հաշվարկները կատարվել են առավելագույն՝ 15 000 մ³/տարի արտադրական ցուցանիշի հիման վրա: Շրջանառու համակարգի համար ջրի ծավալը կկազմի՝ 200 մ³/տարի, կամ 20 մ³/օր: Արտադրամասի 800 մ² բաց տարածքի ջրցանման համար տարեկան ջրի ծախսը կկազմի՝ 336 մ³: Առավելագույն՝ 60 հոգի աշխատողների համար խմելու-լոնջոնային կարիքների ջրածախսը կկազմի 362.0 մ³/տարի, կամ 1.392 մ³/օր, իսկ տնտեսակենցաղային հոսքաջրերի հաշվարկային քանակը կկազմի՝ 343.9 մ³/տարի կամ 1.32 մ³/օր: Կենցաղային կեղտաջրերը գործող կոյուղու ներքին ցանցի միջոցով կմիացվեն արտադրական գոտու հարևանությամբ անցնող քաղաքային կոյուղատարին: Ձուլման գործընթացում բաց շփման եղանակով ձուլված մետաղը հովացնելու աղյուսքում ջուրը կարող է աղտոտվել մեխանիկական խառնուրդով: Հովացման ջուրը ինքնահոս հոսում է պարզարան, որտեղ մեխանիկական մասնիկները նստելուց հետո, կրկին պոմպերով մղվում է մետաղի հովացման համակարգ:

Հալման վառարանները կահավորված են գազաօդային խառնուրդի արտազատման խողովակներով, որոնք միացված են գազամաքրման համակարգին: Հալման և տանիքի զոնտերի արտանետումները երկու օդամղիչներով մղվում են դեպի գազամաքրման համակարգ: Գազամաքրման համակարգը նախատեսված է կահավորել թևքային գտիչներով, որտեղ կատարվելու է պինդ մասնիկների որսում: Թևքային գտիչների համակարգը կահավորված է թափահարող սարքով, որը պարբերաբար թափ տալով մաքրում է թևքերի մակերեսը: Վառարանների յուրաքանչյուր անջատման ժամանակ իրականացվելու է թևքային գտիչների արտաքին զննում և վնասված պարկերի հայտնաբերման դեպքում՝ դրանք փոխարինվելու են նորերով: Ըստ նման արտադրությունների փորձի՝ տարեկան փոխարինվող պարկերի քանակը կտատանվի 120 – 150 կգ սահմաններում: Համապատասխան առաջարկի բացակայության դեպքում նախատեսված է տեղադրել ցիկլոնների շարք, որոնք նույնպես կարող են ապահովել կլանման առնվազն 95 տոկոս ցուցանիշը:

Արտադրական գործընթացը կազմակերպելու արդյունքում մթնոլորտային օդի վրա ազդեցությունը պայմանավորված է մետաղի ջարդոնի հալման, ձուլման ընթացքում առաջացող վնասակար արտանետումներով: Ձուլման արտադրամասի վերազինման գործընթացի արդյունքում, սև մետաղների ձուլման արտադրամասում կառաջանան՝ ազոտի երկօքսիդ (NO₂), ածխածնի օքսիդ (CO), պինդ մասնիկներ (ՊՄ) /անօրգանական փոշի/:

Հալված մետաղի հետագա վերամշակման՝ ձուլման և գլոսման ժամանակ, շերտիների ջերմային նախապատրաստման համար օգտագործվում է բնական գազ, որի այրման ընթացքում առաջանում են ազոտի և ածխածնի օքսիդների արտանետումներ: Արտանետումների հաշվարկները կատարվել են առավելագույն՝ 15 000 տ/տարեկան արտադրական ցուցանիշի համար: Արտանետումների քանակների հաշվարկները



կատարվել են հիմք ընդունելով բնական գազի այրման ընթացքում առաջացող նյութերի տեսակարար գործակիցները: Հաշվարկը կատարվել է գազի առավելագույն՝ 45 մ³ ծախսի հիման վրա: Տարեկան առավելագույն արտադրողականության պայմաններում 675 հազար մ³ գազի դեպքում արտանետումների քանակները կկազմեն՝ ազոտի երկօքսիդ՝ 1.45 տ/տարի, ածխածնի օքսիդ՝ 8.7 տ/տարի:

ՇՄԱԳ-ում տեխնոլոգիական գործընթացների համար կատարվել են արտանետումների հաշվարկներ՝ վերամշակվող մետաղի ջարդոնի առավելագույն քանակի համար: Ըստ գործող մեթոդական փաստաթղթերի՝ սև մետաղների երկրորդային արտադրության /հալում, ձուլում/ ընթացքում վերամշակվող մետաղի արտադրողականության դեպքում առաջացող արտանետումների ընդհանուր տարեկան քանակները կկազմեն՝ ազոտի երկօքսիդ – 5.5տ, ածխածնի օքսիդ – 29.7տ, պինդ մասնիկներ – 6.6տ /իսկ մինչև մաքրումը՝ 132.0տ/:

Արտանետումների ազդեցությունը գնահատելու նպատակով կատարվել են մթնոլորտում դրանց ցրման հաշվարկ՝ «Էոս» ծրագրով, որոնց արդյունքները համեմատվել են բնակավայրերի համար սահմանված սանիտարական նորմերի հետ: Համաձայն կատարված հաշվարկների արդյունքների՝ աղտոտվածության առավելագույն մակարդակները բոլոր նյութերի համար գտնվում են թույլատրելի նորմերի սահմաններում և առավելագույն գետնամերձ կոնցենտրացիաները ՍԹԿ մասով կազմում են՝ ազոտի երկօքսիդ – 0.2315, ածխածնի օքսիդ – 0.84395, անօրգանական փոշի – 0.3293:

Շրջակա միջավայրի վրա հնարավոր տնտեսական վնասի գնահատումն իրականացվել է միայն օդային ավազանի համար, ինչը հաշվարկվել է 657800 դրամ/տարի: Ըստ 245-71 սանիտարական նորմերի պողպատածուլական գործարանի սանիտարա-պաշտպանիչ գոտին սահմանված է 500 մ, ինչն ապահովված է, քանի որ արտանետման աղբյուրից մոտակա բնակելի տների հեռավորությունը 575 մ է:

Գործարանի շահագործման արդյունքում առաջացող արտադրական թափոնների տեսակները ներկայացված են ստորև.

Թափոնի անվանումը ըստ անձնագրի	Թափոնի խաճկագիրը	Քանակը, րարի	Վրանգավոր- թյան դասը
Էլեկտրավառարանների խարամ	3120180001004	750.0	IV
Փոշերսիչ սարքավորումների աղ- րունակող կոշտ մնացորդներ (այրման և հոլիզի միջոցով թափոնների ամշակման ժամանակ)	3130120001013	125.4	III
Ջտիչ գործվածքներ և պարկեր՝ սակար (անօրգանական) ոռոտվածությամբ	5820020001013	0.2	III

Բոլոր տեսակի թափոններ հավաքումը, ժամանակավոր պահեստավորումը, հետագա օգտագործումը կամ լիցենզավորված կազմակերպություններին տրամադրումը կկատարվի՝ նախորոք մշակված և շրջակա միջավայրի նախարարության հետ համաձայնեցված թափոնների անձնագրերի համաձայն:

Պողպատածուլական գործարանի շահագործման ընթացքում առաջացող կենցաղային աղբը՝ 19.2 մ³/տարի ծավալով, պայմանագրային հիմունքներով կտեղափոխվի Արթիկի քաղաքային աղբավայր:

Պողպատածուլական գործարանում բացակայում են վիբրացիա առաջացնող սարքավորումները: Գործարանում աղմուկի աղբյուր են հադիսանում օդի կոմպրեսորները,



տրանսպորտային միջոցները և արտադրական մասնաշենքում տեղադրված սարքավորումները, որոնց աղմուկի մակարդակը շենքից դուրս չի գերազանցի 50 դԲա-ն:

Ներկայացվող գործունեության հիմնական բնապահպանական և սոցիալական ռիսկերը կապված են աշխատակիցների անվտանգության պահպանության և ազդակիր բնակչության առողջության ապահովման հետ և պայմանավորված են պողպատի հալման, ծուլման ընթացքում վառարանների բարձր ջերմային ռեժիմով՝ գործընթացի ընթացքում առաջացող արտանետումներով /տոքսիկ նյութեր, մասնավորապես ազոտի, ածխածնի օքսիդներ և պինդ մասնիկներ/ և դրանց հետ կապված հնարավոր ռիսկերի առաջացմամբ: Թվարկված ազդեցությունները կանխարգելելու և նվազեցնելու նպատակով նախատեսված են բնապահպանական միջոցառումներ, որոնք ամփոփվել են նաև բնապահպանական միջոցառումների կառավարման և մոնիթորինգի պլաններում: Մասնավորապես՝ օդային ավազանն աղտոտումից պահպանելու միջոցառումները ներառում են.


- արտադրական մասնաշենքի ապահովում օդափախության համակարգով,
- հալման վառարանների, շերտիների և հոսքագծի կահավորում օդաքարշ համակարգով, ծուլման տեղամասի կահավորում քարշիչ զոնտերով,
- բոլոր տեսակի արտանետումների հավաքում՝ մեկ խողովակի մեջ և մաքրում գազամաքրման համակարգում,
- արտադրական տարածքում արտանետումների մոնիթորինգի իրականացում՝ անհրաժեշտության դեպքում՝ սարքավորումների կարգաբերում:

Ջրային ռեսուրսների արդյունավետ օգտագործման նպատակով կարևորվում են հետևյալ միջոցառումները.

- հովացման գործընթացի իրականացում՝ շրջանառու համակարգի միջոցով,
- արտադրական արտահոսքի հավաքում ավազաններում, որտեղ կիրականացվի կախված մասնիկների նստեցում
- ավազանում մաքրված ջրերի շրջանառու վերադարձ և օգտագործում՝ հովացման համակարգում:

Հակահրդեհային նպատակով նախատեսված են ջրի պահուստային տարողություններ: Գործարանում ներկայում առկա են աշխատանքի անվտանգության ապահովման և արտակարգ իրավիճակներին արձագանքման բոլոր անհրաժեշտ կահավորանքները և սարքավորումները: Աշխատանքի անվտանգության ապահովման միջոցառումներից կարևորվում են հետևյալները.

- սպասարկող անձնակազմի համար արտադրական տարածքում թափոնների հետ աշխատելու և արտադրական գործընթացի շահագործմանն ուղղված ուսուցողական դասընթացների կազմակերպում և գիտելիքների ստուգում,
- մետաղի պահեստավորման իրականացում հատուկ հատկացված պահեստային տարածքներում,
- թափոնների հետ աշխատելիս հետևել, որպեսզի անձնակազմը կրի հատուկ անհատական պաշտպանիչ միջոցներ՝ ձեռնոցներ, դիմակներ և արտահագուստ,
- վառարանները սպասարկող անձնակազմի համար ապահովել բոլոր անհրաժեշտ անհատական պաշտպանության միջոցները,
- կահավորել հալման և ծուլման տեղամասերն անվտանգության նշաններով և ցուցադրական վահանակներով,
- ապահովել արտադրամասը՝ առաջնային հրդեհաշիջման միջոցներով և այլ հակահրդեհային հանդերձանքով,
- կազմակերպել գործարանի տարածքում անձնակազմի առաջին օգնության և բուժապասարկման կետ:



Գործարանի պողպատածուլական արտադրամասի և հարակից տարածքներում նախատեսված է մոնիթորինգի իրականացում, որի հիմնական նպատակն է ստեղծել տեղեկատվություն շրջակա միջավայրի փոփոխությունների մասին: Շրջակա միջավայրի ամբողջական մոնիթորինգ իրականացնելու համար նախատեսվում է յուրաքանչյուր եռամսյակ իրականացնել կանոնավոր չափումներ /այդ թվում՝ մթնոլորտային արտանետումների, աղմուկի ֆոնային չափումներ/ նույն կետերում, որտեղ իրականացվել է նախնական մոնիթորինգը: Չափումներն իրականացվելու են արտադրական տարածքում /գազամաքրման և օդաքարշ համակարգեր/ գործարանին հարող բնակելի տարածքների ուղղությամբ: Որպես չափվող ցուցանիշներ դիտարկվելու են մթնոլորտային օդում փոշու պարունակությունը և արտադրական հանգույցում՝ վնասակար նյութերի /NO₂, CO, ՊՄ/ պարունակությունները: Բնապահպանական միջոցառումների և մոնիթորինգի համար նախատեսված տարեկան ծախսերը գնահատվել են 507200.0 հազար ՀՀ դրամ:

Պարճառարանական մաս. Շրջակա միջավայրի վրա ազդեցության գնահատման և փորձաքննության փուլերում, ՀՀ օրենսդրությամբ սահմանված կարգով Շիրակի մարզի Արթիկ համայնքի Արթիկ բնակավայրում անցկացված հանրային քննարկումներում գործունեության իրականացումը մասնակիցների կողմից արժանացել է հավանության: Քննարկման ընթացքում բարձրացվել են հարցեր՝ կապված՝ արտադրամասում աշխատողների անվտանգության ապահովման և Արթիկ համայնքից աշխատողների ներգրավվածության հետ, ինչի վերաբերյալ տրվել են հիմնավոր պատասխաններ: Նախագծային փաստաթղթերի վերաբերյալ փորձաքննական գործընթացում շրջակա միջավայրի նախարարության ստորաբաժանումներից, ինչպես նաև առողջապահության, ներքին գործերի նախարարություններից և Շիրակի մարզպետարանի աշխատակազմից ստացված կարծիքները, առաջարկությունները և դիտողությունները ևս հաշվի են առնվել ՇՄԱԳ-ի լրամշակումներում:

Ամփոփելով գնահատման և փորձաքննության արդյունքները՝ հարկ է նշել, որ Ընկերության կողմից նախատեսվող գործունեությունը կարևոր է սև մետաղի ջարդոնի ճիշտ կառավարման տեսանկյունից, քանի որ անկանոն ձևով կուտակված թափոնները հանդիսանալով շրջակա տարածքների աղտոտման աղբյուր՝ վերամշակումից հետո կօգտագործվեն որպես երկրորդային հումք: Նախատեսվող գործունեության համար գործող նորմերով ապահովված է սանիտարապաշտպան գոտու պահանջվող չափը: ՇՄԱԳ հաշվետվությունում ներկայացված միջոցառումների, մասնավորապես՝ մշտադիտարկումների իրականացման արդյունքում, վերահսկելի և կառավարելի կլինեն օդային ավազանն աղտոտող վնասակար նյութերի քանակները և աղտոտվածությունը շրջակա միջավայրի բաղադրիչների վրա կգտնվի թույլատրելի նորմերի սահմաններում:

Փորձաքննական պահանջներ

1. Պողպատածուլական գործարանի շահագործման ընթացքում որպես կարևորագույն պայմաններ անհրաժեշտ է՝
 - պահպանել աշխատողների անվտանգության, առողջության ապահովման և հակահրդեհային բոլոր միջոցառումները /ԱԻՆ մարմինների հետ համաձայնեցնել «Արտակարգ իրավիճակների պատրաստվածության» պլանը/,
 - պահպանել պողպատածուլարանի աշխատանքային ռեժիմը և տեխնոլոգիական գործընթացների պայմանները,
 - պարբերաբար ստուգել գազամաքրման և օդաքարշ համակարգերի և փոշեռսիչ պարկերի մաքրման արդյունավետությունը և տեխնիկական վիճակները,



անհրաժեշտության դեպքում իրականացնել սարքավորումների կարգաբերում կամ փոխարինում նորերով:

2. Արտադրական տարածքում և գործարանին հարող բնակելի տարածքների ուղղությամբ անհրաժեշտ է ապահովել մոնիթորինգի ծրագրում նախատեսված մշտադիտարկումների իրականացումը և դրանց կատարման ժամկետները՝ վերահսկելու նպատակով մթնոլորտային օդում՝ պինդ մասնիկների, ազոտի երկօքսիդի, ածխածնի օքսիդի կոնցենտրացիանները:

4. Քանի որ ձուլման արդյունքում առաջացող արտադրական թափոնը /խարամ, փոշի/ նախատեսված է հեռացնել աղբավայր, թափոնների տեղադրումն իրականացնել շրջակա միջավայրի նախարարության կողմից հաստատված թափոնի անձնագրի համաձայն՝ Արթիկի համայնքապետարանի հետ համաձայնեցված վայր:

5. Գործունեությունն իրականացնելիս անհրաժեշտ է աաջնողվել առողջապահության նախարարի՝ 2012 թվականի սեպտեմբերի 19-ի թիվ 15-Ն հրամանով հաստատված սանիտարական կանոնների և նորմերի պահպանմամբ:

ԵԶՐԱՓԱԿԻՉ ՄԱՍ

«ՍԱՆՆ ՄԵՏ» ՓԲԸ-ի կողմից ներկայացված Արթիկի «ՍՏԵԿԼՈՄԱՇ» գործարանի ձուլման արտադրամասի վերազինման՝ պողպատե ձուլակտորների արտադրության շրջակա միջավայրի վրա ազդեցության գնահատման հաշվետվության վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի գլխ. մասնագետ՝  Զերիքնազ Մկրտչյան

